



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԼՈՌԻ ՄԱՐԶԻ ՇԱՀՈՒՄՅԱՆ ՀԱՄԱՅՆՔԻ ԱՎԱԳԱՆԻ

Հայաստանի Հանրապետության Լոռու մարզի Շահումյան համայնք
ՀՀ, Լոռու մարզ, գ.Շահումյան, (0322) 38462, 37897, shahumyan.lori@mta.gov.am

Ո Ր Ո Շ ՈՒ Մ

24 ՀՈՒՆՎԱՐԻ 2020թվականի N 03-Ա

ՇԱՀՈՒՄՅԱՆ ՀԱՄԱՅՆՔԻ 2019 ԹՎԱԿԱՆԻ ԲՅՈՒՋԵԻ ԿԱՏԱՐՄԱՆ ՏԱՐԵԿԱՆ ԵՎ
ԶԱՐԳԱՑՄԱՆ ՀՆԳԱՄՅԱ ԾՐԱԳՐԻ ԻՐԱԿԱՆԱՑՄԱՆ ՀԱՇՎԵՏՎՈՒԹՅՈՒՆՆԵՐԻ
ՄԱՍԻՆ

Ղեկավարվելով «Տեղական ինքնակառավարման մասին» Հայաստանի
Հանրապետության օրենքի 18-րդ հոդվածի 1-ին մասի 5-րդ կետով, 82-րդ հոդվածի
7-րդ մասով, «Բյուջետային համակարգի մասին» Հայաստանի Հանրապետության
օրենքի 35-րդ հոդվածի 1-ին մասի 8-րդ կետով՝ Շահումյան համայնքի ավագանին.

Ո Ր Ո Շ ՈՒ Մ Է

1. Հաստատել Շահումյան համայնքի 2019 թվականի բյուջեի կատարման տարեկան
հաշվետվությունը՝ համաձայն հավելված 1-ի:
2. Հաստատել 2019 թվականին Շահումյան համայնքի զարգացման հնգամյա ծրագրի
իրականացման վերաբերյալ հաշվետվությունը՝ համաձայն հավելված 2-ի:

Կողմ -5

Դեմ -0

Ձեռնպահ -0

ԱՔՈՒԼՅԱՆ ՍԵՎԱԿ

ԲԵԺԱՆՅԱՆ ԱՐԵՆ

ՀՈՎՀԱՆՆԻՍՅԱՆ ԵԼԵՆԱ

ՂՈՒՄԱՇՅԱՆ ԱՐՄԵՆ

ՄԱՆՈՒԿՅԱՆ ՀՈՎՀԱՆՆԵՍ

Համայնքի ղեկավար՝

ԷԴԻԿ ՄԱՆՈՒԿՅԱՆ

Հավելված 1

Շահումյան համայնքի ավագանու
2020թ-ի հունվարի 24-ի թիվ 03-Ա որոշման

ՇԱՀՈՒՄՅԱՆ ՀԱՄԱՅՆՔԻ 2019Թ-Ի ՏԱՐԵԿԱՆ ՀԱՇՎԵՏՎՈՒԹՅՈՒՆ

1. ՇԱՀՈՒՄՅԱՆ ՀԱՄԱՅՆՔԻ ՍԵՓԱԿԱՆ ԵԿԱՄՈՒՏՆԵՐԻ ՎԵՐԱԲԵՐՅԱԼ

h/h	Եկամուտների անվանումը	2018թ. Բյուջե			2019թ. Բյուջե		
		պլան	փաստ.	կատ %	պլան	փաստ.	կատ %
1	Հողի հարկ	3427,0	2708.8	79	3244,6	2821.9	87%
2	Գույքահարկ	4623.2	4796.5	103.7	5981.5	5890.2	98.5%
3	Տեղական տուրք	210,0	232,0	110,5	183.5	189.7	103.4%
4	հողի վարձ. վճար	1000,0	1228,7	122,9	1300.0	1701.0	130.9%
5	Այլ ոչ հարկային եկամուտներ	210,0	320,0	152,3	300.0	275.0	91.7%
6	Տեղական վճարներ	1170,0	1368,8	116,9	2370.0	2500.7	106%
	Ընդամենը սեփական եկամուտներ	10640,2	10654,8	100,1	13379.6	13378.5	100%

Սեփական եկամուտներ

Շահումյան համայնքի սեփական եկամուտների հավաքագրումը 2019թ. 13379.6 հազար դրամ պլանի դիմաց կազմել է 13378.5 հազար դրամ կամ 100.0 %, 2018թ.-ին փաստացի հավաքագրումը կազմել է 10654,8 հազար դրամ կամ 100.1%: Սեփական եկամուտների փաստացի մուտքերի համեմատությունը 2018թ-ի նկատմամբ կազմել է 125,6 %, կամ նախորդ տարվա նկատմամբ ավել է հավաքագրվել 2723,7 հազար դրամ:

Հողի հարկ

2019թ. Շահումյան համայնքում հողի հարկի հավաքագրումը 3244.6 հազ. դրամ պլանի դիմաց կատարվել է 2821.9 հազար դրամ կամ 87 %, 2018թ.-ին փաստացի հավաքագրումը կազմել է 2708.8 հազար դրամ կամ 79%: 2018թ.ի համեմատությամբ հավաքագրումը կազմել է 104.2 %, կամ նախորդ տարվա համեմատությամբ ավել է հավաքագրվել 113.1 հազար դրամ, ավել հավաքագրումը կատարվել է նախորդ տարվա պարտքերից գանձումների հաշվին: Հողի հարկի հավաքագրման ցածր տոկոսը

կախված է այն հանգամանքից, որ մեծ թվով սեփականատերեր բացակայում են համայնքից:

Գույքահարկ

2019թ. Շահումյան համայնքում գույքահարկի 5981.5 հազար դրամ պլանի դիմաց հավաքագրվել է 5890.2 հազար դրամ կամ հավաքագրումը կատարվել է 98.5% -ով, 2018թ. հավաքագրումը կազմել է 4796.5 հազար դրամ կամ 103.7%: 2018թ.ի համեմատությամբ հավաքագրումը կազմել է 122.8%, կամ նախորդ տարվա համեմատությամբ ավել է գանձվել 1093.0 հազար դրամ, որը պայմանավորված է համայնքում փոխադրամիջոցների ավելացման հետ:

Տեղական տուրքեր

Տեղական տուրքերի հավաքագրման մակարդակը կազմել է 103,4%, կամ նախատեսված 183.5 հազ. դրամի դիմաց հավաքագրվել է 189.7 հազ. դրամ, որը նախորդ տարվա նույն ժամանակահատվածի նկատմամբ կազմում է 81.8 %, կամ փաստացի հավաքագրումը 2018թ. նկատմամբ պակաս է 42.3 հազար դրամով: Թվով 6 խանութներից գանձվել են՝ ոգելից խմիչքի և ծխախոտի արտադրանքի վաճառքի թույլտվության և 2 ռեստորանային համալիրներից՝ հանրային սննդի օբյեկտներում ոգելից խմիչքի իրացման թույլտվության համար տեղական տուրքեր:

Հողի վարձակալություն

2019թ. համայնքում հողի վարձակալության հավաքագրումը 1300,0 հազ. դրամ պլանի դիմաց կատարվել է 1701.0 հազար դրամ կամ 130.9 %, 2018թ.-ին հավաքագրումը կազմել է 1228.7 հազար դրամ կամ 122.9 %: 2018թ.ի համեմատությամբ հավաքագրումը կազմել է 138,4%, կամ ավել է հավաքագրվել 472.3 հազար դրամ, ավել հավաքագրումը կատարվել է նախորդ տարիներից կուտակված պարտքերից գանձումների հաշվին:

Տեղական վճարներ

Տեղական վճարների մեջ մտնում է աղբահանությունը, ծնողական գումարը, անասնաբուժական ծառայությունը, աճուրդի և մրցույթի մասնակցության վճարներ և այլն:

Տեղական վճարները 2019թ. համար նախատեսված 2370,0 հազ. դրամի դիմաց փաստացի հավաքագրվել է 2500,7 հազ. դրամ, կամ կատարվել է 106,0 %-ով: 2018թ.-ի համեմատությամբ հավաքագրումը կազմել է 182,7%, կամ ավել է հավաքագրվել 1131,9 հազար դրամ: Որից՝ 2019թ.-ին աղբահանության համար նախատեսված 800,0 հազ. դրամի դիմաց փաստացի հավաքագրվել է 849,8 հազ. դրամ, կամ կատարվել է 106,2 %-ով: Ծնողական վճարների համար նախատեսված 960,0 հազ. դրամի դիմաց փաստացի հավաքագրվել է 1195.1 հազ. դրամ, կամ կատարվել է 124.5 %-ով: Պլանը գերազանցվել է,

քանի որ խմբակների երեխաների թիվը ավելացել է: Անասնաբուժական ծառայության համար նախատեսված 600,0 հազ. դրամի դիմաց փաստացի հավաքագրվել է 343,8 հազ. դրամ, կամ կատարվել է 57,3 %-ով: Տույժ տուգանքների համար նախատեսված 10,0 հազ. դրամ եկամտի դիմաց փաստացի հավաքագրում չի կատարվել:

2. 2019Թ-ԻՆ ԿԱՏԱՐՎԱԾ ԱՇԽԱՏԱՆՔՆԵՐԻ ՎԵՐԱԲԵՐՅԱԼ

ՍԵԼԱՎԱՏԱՐԵՐ

Իրականացվել է բուժ. ամբուլատորիային հարակից հեղեղատարի; թվով 3 սելավատարների, 2-րդ փողոցի թիվ 59 տնից վերև մոտ 100 մետր երկարությամբ հեղեղատարի մաքրման աշխատանքներ՝ ընդհանուր 600.0 հազար դրամ արժողությամբ: Իրականացվել է նաև Շահումյան համայնքի միջթաղամասային ճանապարհի /Դավթյան Լավրենտի տան մոտից/ ջրահեռացման համակարգի բարելավման աշխատանքներ՝ ընդհանուր 200.0 հազ. դրամ արժողությամբ:

ՃԱՆԱՊԱՐՀՆԵՐ

Կառուցվել է 8 փող. 4 փկղ. թիվ 10 տանը հարակից հենապատ՝ արդյունքում վերականգնվել է փլուզված ճանապարհը և բացվել 7 տնտեսության ելումուտը: Ծրագրի արժեքը 843.9 հազ. դրամ:

Իրականացվել է համայնքի 8-րդ փողոցի, 8 փող. 4 փակուղու և 8 փող. 1-ին նրբանցքի ճանապարհի ընթացիկ նորոգման և փոսալցման աշխատանքներ՝ 987.6 հազ. դրամ արժողությամբ:

Ներհամայնքային գրեթե բոլոր ճանապարհներում իրականացվել է ասֆալտի քերուկների փոման և հարթեցման աշխատանքներ, որի համար ծախսվել է 650.0 հազ. դրամ:

Ֆոնդային բյուջեից իրականացվել է համայնքի „Ղազախի թալա“, հանդամաս գնացող դաշտամիջյան ճանապարհի հիմնանորոգման աշխատանքներ ընդհանուր արժեքը՝ 1896.0 հազ. դրամ:

Իրականացվել է համայնքի 2-րդ և 5-րդ փողոցների հատման կետից դեպի հանդամաս գնացող ճանապարհի և 2 փող. 1-ին նրբանցքի փոսային նորոգման և ճանապարհի հարթեցման աշխատանքներ ընդհանուր արժեքը՝ 2465.0 հազ. դրամ:

ԱՂԲԱՀԱՆՈՒԹՅՈՒՆ

Աղբահանությունն իրականացվում է համայնքի սեփականությունը հանդիսացող բեռնատար ինքնաթափ մեքենայով, շրջիկ ձևով՝ շաբաթական 2 անգամ:

Աղբահանության իրականացման՝ մեքենայի պահպանման և վառելիքի համար ծախսվել է 894.0 հազ. դրամ:

Իրականացվել է Դիլիջան մայրուղու և նոր գերեզմանատան հարակից տարածքի մաքրման և աղբահանման աշխատանքներ՝ 250.0 հազ. դրամ արժողությամբ:

ՋՐԱՄԱՏԱԿԱՐԱՐՈՒՄ

Անուշ ջրագծի հետադարձ խողովակաշարի բացման, ջրամբարի մաքրման, ինչպես նաև Անուշ ջրագծի ակունքի մաքրման համար ծախսվել է 250.0 հազ. դրամ:

ՓՈՂՈՑՆԵՐԻ ԼՈՒՍԱՎՈՐՈՒԹՅՈՒՆ

Փողոցների լուսավորության սպասարկման և պահպանման համար ծախսվել է 450.0 հազ. դրամ, որի մեջ մտնում է սպասարկում իրականացնողի մատուցած ծառայության վճարը, լամպերը և մալուխները: Լուսավորության էլեկտրատեղակայի ծախսը կազմում է 600,0 հազ. դրամ:

2019թ-ին իրականացվել է Շահումյան համայնքի գիշերային լուսավորության համակարգի հիմնանորոգում սուբվենցիոն ծրագիրը, որի արդյունքում համայնքի գլխավոր փողոցներում, մոտ 4 կմ երկայնքով, տեղադրվել են թվով 104 հենասյուներ և 108 լեդ լուսատուներ: Ծրագրի ընդհանուր արժեքը կազմել է 13821,5 հազ. դրամ, որից 8292,2 հազ. դրամը հատկացվել է պետության կողմից որպես սուբվենցիա, իսկ 5529,3 հազ. դրամը ներդրվել է համայնքի բյուջեից:

<<ԿՐԹԱՄԱՐԶԱՄՇԱԿՈՒԹԱՅԻՆ ՀԱՄԱԼԻՐ>> ՀՈԱԿ

„Կրթամարզամշակութային համալիր,-ի մեջ մտնում են մշակույթի տունը և մանկապարտեզը: Մշակույթի տանը գործում են երգի, պարի, ըմբշամարտի, կերպարվեստի, դիզայնի, կավագործության և կիթառի խմբակներ, ուր հաճախում են մոտ 96 երեխա, գրադարանը և կիրակնօրյա դպրոցը:

- Մանկապարտեզը գործում է 2018թ-ի սեպտեմբերից, հաճախում է 25 երեխա:

Կրթամարզամշակութային համալիրի պահպանման, աշխատակազմի աշխատակիցների աշխատավարձի, երեխաների սննդի և այլ ծախսերի համար համայնքի բյուջեից տրվել է դրամաշնորհ՝ 19 988.0 հազ դրամ:

ՄՇԱԿՈՒԹԱՅԻՆ ՄԻՋՈՑԱՌՈՒՄՆԵՐ

Համայնքում մշտապես իրականացվել են բազմաբնույթ միջոցառումներ կապված տոնական և հիշատակի օրերի հետ: Հունվարի 28-ին՝ հայկական բանակի օրվա կապակցությամբ զոհված ազատամարտիկների ընտանիքներին հատկացվել է դրամական օգնություն:

Մայիսի 9-ին եռատոնի կապակցությամբ պատերազմի մասնակիցներին և ազատամարտիկներին ևս տրվել է դրամական օգնություն:

Ամանորին կազմակերպվել է միջոցառում և համայնքի 1-9 տարեկան երեխաներին տրվել են ամանորյա տոպրակներ: Համայնքի օրվա և Սբ. Հակոբ եկեղեցու օծման օրվա կապակցությամբ կազմակերպվել է միջոցառում: Տարվա ընթացքում մշակութային միջոցառումների վրա ծախսվել է 1080,0 հազ. դրամ:

ԿՐԹՈՒԹՅՈՒՆ

Առաջին դասարան հաճախող թվով 36 երեխաներին հատկացվել է դպրոցական առարկաներ և զոնայական պիտույաներ՝ ծախսվել է 468 հազ. դրամ: Գուգարաց թեմի

առաջնորդարանի կողմից կազմակերպվել է կնունքի արարողություն և կնքվող երեխաներին տրվել է արժաթյա խաչեր:

Թվով 14 շրջանավարտներին հատկացվել է հուշանվերներ՝ ծախսվել է 203 հազ. դրամ:

ՍՈՑԻԱԼԱԿԱՆ ՕԳՆՈՒԹՅՈՒՆ

2019թ-ի ընթացքում համայնքի սոցիալապես անապահով ընտանիքներին հատկացվել է 1700,0 հազ. դրամ սոցիալական օգնություն:

ԱՆԱՍՆԱԲՈՒԺԱԿԱՆ ԾԱՌԱՅՈՒԹՅՈՒՆ

Համայնքը սպասարկում է մեկ անասնաբույժ, որի կողմից մատուցված ծառայության համար բյուջեից վճարվել է 660,0 հազ. դրամ:

Շահումյան համայնքի ղեկավար՝



Է. Մանուկյան

ՀԱՇՎԵՏՎՈՒԹՅՈՒՆ

ՇԱՀՈՒՄՅԱՆ ՀԱՄԱՅՆՔԻ ՀՆԳԱՄՅԱ ԶԱՐԳԱՑՄԱՆ
ԾՐԱԳՐԻ ԻՐԱԿԱՆԱՑՄԱՆ ՎԵՐԱԲԵՐՅԱԼ

Շահումյան համայնքի 2017-2021թթ. սոցիալ տնտեսական զարգացման հնգամյա ծրագրում ընդգրկված թվով 7 առաջնահերթ խնդիրներից (ծրագրերից) լիովին իրականացվել են 4-ը, 1 ծրագիրը իրականացվել է մասամբ, 2-ը դեռևս չի իրականացվել, սակայն 2020թ-ին նախատեսվում է իրականացնել կենտրոնական ճանապարհի մի հատվածի ասֆալտապատում: 2019թ-ին իրականացվել է „Շահումյան համայնքի գիշերային լուսավորության համակարգի հիմնանորոգում և բարելավում,, ծրագրերը: Համայնքի մոտ 4 կմ գլխավոր ճանապարհների երկայնքով տեղադրվել են 104 հենասյուներ, որոնց վրա ամրացվել են 108 լեդ լուսատուներ: Արդյունքում լուծվել է արտաքին լուսավորության խնդիրը, որը դրական առումով ազդել բնակիչների կյանքի որակի վրա, երեկոյան ժամերին բնակիչների տեղաշարժը դարձել է դյուրին: Աշխատանքն իրականացվել է սուբվենցիոն ծրագրով, որի ընդհանուր արժեքը կազմել է 13821,5 հազ. դրամ, որից 8292,2 հազ. դրամը հատկացվել է պետության կողմից որպես սուբվենցիա, իսկ 5529,3 հազ. դրամը ներդրվել է համայնքի բյուջեից:

Շահումյան համայնքի ղեկավար՝



Է. Մանուկյան